

所以者何一切諸法皆無有門門不可得一切諸法為虛偽門一切諸法悉本清淨一切諸法門不可量一切諸法無斷不斷無有邊際故曰族姓子一切諸法悉不可得皆虛無實一切諸法門不可量不可得限其本際門不可盡極無能斷壞得本際者若壞本際真

實之義也若族姓子及族姓女至斯法門悉解達了因得普入一切法門皆能班宣眾生心念時佛復告持人菩薩若有菩薩大士欲以方便解一切法分別諸法義之所趣欲得意力具足成就隨時之宜入於諸法所生之處心無斷絕若以寂定心念成無上正真之道志習入斯比像法門若能逮得是法門先

勤學斯法速疾歸附
持人菩薩所問經卷第一

方一
 廉苗彼反拔旋似宜反鎧苦受反又苦測
 度各上反初側反下徒度庠序行上音有度也剗判普
 如聖闕或上音或作礙破並同也弊毗世反蠲除俱

反憤亂俱亂也一鎧光亦音定娛樂音妓
 古哀反敷也敷下俞反明也探取也反捐音
 也狐疑多疑故曰狗而矜合作兢反肌肉音膚
 怙音恃音也頓也炙燒音隻景摸則之莫胡反法
 域于力棧音伐亦同玗反胡江
 沈茂敬書
 華亭縣界奉佛信方先力刊方字西持世經十卷請首刊于第卷

持人菩薩所問經卷第二

西晉三藏法師

竺法護譯

方二

持施王品第三

佛告持人乃往過去無央數劫加復越是不
 可計劫尔時有佛号意普玉王如來至真等
 正覺明行成爲善逝世間解無上士道法御

天人師爲佛世尊其佛世時有八十億姪聲
 聞眾皆阿羅漢諸漏已盡習學不學阿那含
 斯陀含須陀洹亦復如是各八十億姪諸菩
 薩八十四億兆載集會佛所佛言持人彼時
 如來壽八萬歲時世有王名曰持施君二萬
 國民人熾盛風雨時節五穀豐饒萬姓安隱

王所居城廣長正方各四百八十里其城皆以琦珍四寶成之其牆七重樹木深漸欄楯周而各復七重網縵珠珞各復七重諸牆壁上及諸行樹皆以四寶校露帳幔而遶圍覆其二萬國各有五百郡縣屬之又其樹上皆生好衣自然七寶諸細被服一一池水各有

五百浴池從之又其浴池皆七寶成生七寶蓮華青紅黃白滿其池中其華太如車輪斯池中水自然八味其土國王有八萬四千夫人媵女中宮正后有二太子一名無限意二名無限界其太子各年十六時二太子適卧寐於夢中見如來形像端正姝好紫磨金色

相好莊嚴威德巍巍不可限量光照十方夢中見是心中踊悅欣然無量其二太子從夢覺已心中坦然各以宿懷識道正真而歎頌曰

我今夜夢見 天人中最勝 體紫磨金色 百福成其相 以在其夢中 覩一切功勳

以得觀尊顏 懷悅豫無量 觀聖神光明 猶日演暉曜 意中甚歡樂 超越一切眾 威光極高峻 猶如寶山王 若目覩其相 靡不抱欣喜

佛告持人其二太子見是瑞應往見父母具說此意我等兄弟今日夜夢中見如來至真

故啓二親欲往奉詣如來興現在世教化以來久矣我等放逸沒五所欲不覺佛興而爲五陰之所結縛諸蓋羅網之所覆蔽在於自大無恭恪心以斯迷惑不見如來諮受道慧二親然之時二太子啓父母已往詣意普玉王如來所前誓首足白世尊曰罪蓋所覆迷

持人二

世榮祿邪位所惑不時奉觀諮受訓誨慙愧赦顏世尊大哀威光見照開發愚冥乃得奉現今欲請佛菩薩聖眾盡斯三月供以飯食衣服牀卧具病瘦醫藥一切所安其彼大城園觀樓閣父王所居嚴飾莊校懸繒幡蓋浴池蓮華啓其二親貢上如來諸菩薩學諸聲

聞等供佛聖眾竟盡三月一切所安父母同心亦皆哀之供養盡節辭其二親在如來所信不慕家出家學淨行作沙門時意普玉王如來至真見二太子捨國出家察其志性則爲二人無限意無限界班宣於斯曉了菩薩五陰衰品二太子聞咸共啓受八萬四千歲未曾睡寐亦不思食復不寢卧惟坐思議經行諷誦八万四千歲未曾起想有他異念常正精思暢五盛陰了之虛無本末恍惚悉空不實存不顛倒是五盛陰以解如是不能覺者迷惑其中當修梵行思是法已解達深義不見盛陰之所歸趣志存大猷無所希冀壽終之後生兜術天其時如來滅度之後從兜術天下還生世間閻浮利地大長者家至年十六夜卧夢中見如來像在於夢中復從如來聞如是法曉了菩薩斯五盛陰諸種入品從夢覺起心懷悲喜於一萬歲淨修梵行復分別了是五盛陰諸種入品終而復始壽終

方
持人二

三

終

之後生忉利天適生尋復終沒還生世間在梵志家見本宿世意普玉王最後末世餘正法訓留一千歲以宿本德信不慕家出家爲道博學廣聞智如大海曉了盛陰諸種衰入求其本末覺如真諦時方便勸立二万世間人二万億天人皆發無上正真道意以是因緣其二太子行菩薩業俱共和同見十億姪諸佛至尊最後末世逮得無所從生法忍更復值供億姪兆載諸如來眾二人俱等於一劫中逮得無上正真道爲最正覺一號無量音二號無量光是故持人若有菩薩疾欲得成無上正真道爲最正覺當勤修學如是像典如來所轉諸陰入種分別有無諸法之元持人菩薩所問經十八種品第四佛告持人何謂菩薩曉了諸種若能分別十八諸種而順思惟識別于觀眼種本末則無眼界悉空無我我所而不久存眼種虛無則曰自然用眼自然故曰不真因迷惑思想而

共合成眼無所成不得識行為虛空形猶如
 虛空悉無所成悉無所有亦無處所眼無內
 外亦無中間欺詐之業無有真實不可護持
 從因緣生無去來今則為自然本淨無形罪
 福所成從顛倒興為現在緣之所見縛故曰
 眼空界不可見計於眼者則無有界識遊其

中因曰眼界眼根清淨其色晃曜合于意根
 因緣所縛三事合會眼色識集眼界空其眼
 界不成界無界其明智者乃覺知之是故菩
 薩分別眼界解了真諦以了色本則無所有
 何謂以了色無有界不與色會亦不離矣無
 所生長雖說色界則無所有色無處所何以

故云色無有界色無有色無內無外亦無中
 間立存虛無因其思想眼觀色光眼種清淨
 以見好色假号曰色無得有處猶如明鏡見
 其面像無垢清淨反想有色雖見鏡中有形
 色影乃從內出不從外入用外形照內鏡乃
 現眼亦如是以用清淨雖由于色為之見縛

方

持人二

四

故

觀夫面像以見色空色之自然無有境界而
 不可取悉無所成其色相者本無所生衆生
 不解適見色已其以解色界無所生則無有
 界以解色界了色本未無去來今虛無自然
 歎誅光斯緣合所謂也色界如是以眼識故
 真諦觀者知之無界云何觀之無眼識種其
 眼色者則無處所本淨所致眼色叵得悉無
 所有眼識無法假号現耳眼識不合無真實
 形眼識之界因顛倒雜從宿世成現在因緣
 之所見縛與因緣會号曰眼識用衆生在顛
 倒若至聖見分別了之眼識無界所以者何
 眼無所成十二因緣起對合生託於所作假
 号眼識慕樂識行起所習行合成于識雖有
 所觀皆虛不真託有形相因緣現耳宣說眼
 識使衆生了如來班宣分別衆形諸想合成
 故曰識無所成眼以清淨識之本相因行所
 趣故曰所見雖習眼識故曰無界所以者何
 眼不求斯我得眼識及與不得了之色識無

獲今自然所以者何無所成故也假託有言而現斯義爲衆生故救攝危厄眼本所行意念是地識相自然眼界色界識界三事合成諸界集會因緣業相宣諸法會故有託眼色識如是計惟是以使入衆生達彼無眼無有色界亦無識界如是所教除斷諸著若能有

方 持人二

五

於

了如來所達覺衆方便則能曉解一切三界則無有界所以者何計於諸界實無有界色不可得耳聲識界亦復如是鼻香識舌味識身觸識意法識計按思惟觀無所成意界虛無不有真實悉無所有又是種者則無所成猶如有人下種在地稍稍生牙水爲因緣日光照之其所種牙無所造行其種不與牙共合成因種生牙種不離牙牙不離種意界如是從其意業顯現種矣故有意界意不離意念不離意境界雖別因緣合成其境界者無內無外意無中間皆由宿命本行所立悉由意業因界合會現在因緣之所合生故假曰

意從已所部罪福所生十二緣起顯有所宣故曰意界方便說之欲令衆生解其本末究竟求之實無本末不可得之所以者何心自放逸無處所所有至識柔軟言辭其境界者悉無真諦無有過去當來現在明者曉了意界無界法界無有何謂觀察法界自然悉無所有而不可得法界無成不得形像惟顛倒立無有人壽從虛僞生興受識矣故曰法界何謂曉了法界之無顯現其界所以者何其法界者則無所有從因緣生以因緣生故曰無界所以其界因緣合成轉成顛倒如來至真解衆生界故曰法界託集假号法界無內亦無有外亦無中間然住合結除善不善法斷一切諸議宣布道教故曰奉行論無所有法界虛空無成就形假有号耳法亦如是無所成像以斷法想取現要說悉無境界故先歎之無去來今爲現在緣而見繫縛從緣合成衆生不解明者曉了而證明法界無界不

多不少則以方便因言法界其了法界皆除一切三界所生以斷諸法無說法界因緣言相用處諸法故曰究竟明者宣曰無所生相所以者何法界之想悉無所成法界無處無處非處無合住處亦無不住察了法界末無所住法界無生無能者無合會處無合無散

持人二

六

七

法無所造亦不成就以能如是觀法界者則察意識而無有識當作何觀無所生界則曰識界所以者何計其意識無所有故虛偽不實合于顛倒從意念有故曰意識由因愚真凡夫所行惟賢聖達見知之耳以二事宜意識所緣用衆生類不能解了明者所別皆從

虛無不真正想所生意識其意識界無有殊特班宣究竟假託有言借于衆生不解意識本末無界因緣所集輪轉無際諸賢聖等不求識界無內無外無有中間明者曉了其意識者不觀意識皆從緣起從顛倒興以二因緣而有衆生不真思想受於虛偽從心行生

隨順俗相有意識耳衆生本心從是緣現意識無去當來現在意識計本亦無所著意識所在無去無來無所存立意無所住所以者何意識本淨則無有二無相無二所在立處而不可見明者曉了意識如其意識者無有法說無有合會亦無離別無所生相無言

教相獨賢聖了何謂識界從所來者無所從來無有因緣所以者何其意識界從因緣生察其本末無有見者明者曉了意成如是本無有作衆生自造悉無所生衆生所出相無所生佛言持人若有菩薩當作是觀曉了意識則無識著

持人二

七

七

持人菩薩所問經曉三界品第五
佛告持人菩薩大上以曉意識則不著欲界色界及無色界當作是觀雖在三界不見欲色無色之界既有是界悉暢無界班宣光顯衆生本末在於欲界而自示現在色無色而自示現在是諸界現無有界粗示要說曉了

諸法自然無界三界之事無形無處從因緣
生流於三界輪轉無際智者分別班宣三界
所有境界悉無所有從虛無合顛倒而有是
能覺了則解虛偽自然永無便捨生死衆生
以除顛倒之業便棄三界如來至真班宣三
界衆生所在悉無有界無知習之迷惑作是

本淨自然而無有界不倚三界明者解之此
無有界觀是三界衆生無界已身虛空無有
若干一切諸法從因緣生從顛倒合假有号
耳則無所成空而無作自然清淨等御虛空
於一切界悉無所有猶如虛空悉無所有所
以者何究竟永無虛空本淨而不可獲一切
諸界亦如是矣無內無外無有中間界無有
界悉無所著皆無所生諸明智者不有所生
亦無所得無住無不住不等不邪本淨無獲
智者明了不獲假託無念不能由是智者不
以諸界爲境界也相無所生隨俗名耳無所
分別以無生相若滅是已無一切界假有言

耳究暢本末悉不可知以不可知一切亦然
明者所觀佛言持人若有菩薩暢了如是解
十八種及與三界衆生之界及已身界上虛
空界達之平等以觀如是則應平等不見境
界以無所見解一切界假託言矣一切諸界
悉無有界好喜入道曉了諸界解說衆生其

相無二以見無二並見諸界以權方便班宣
示衆十二因起假託有言開化衆生入究竟
義以暢見慧一切諸界故曰無形所以者何
持人如來至真不得一切諸法麴所亦非無
得無所亡失平等思惟逮得無上正真之道
所以者何一切諸法永無所有本悉自然無
方 持人二
成就者諸界皆空觀實空無以等如空無所
生相如來如是解一切界如來不云諸界自
然無界無形所以者何其無所有不可強有
以無所有則知自然持人當知如來所說若
有曉了諸法所來其菩薩大士便能分別一
切衆生境界本末以解本末分別鹿細班宣

諸界合散之義諸界所入曉無自然一切諸界虛空界還自燒然無界無入假託有辭求不可得衆生無知故有是耳猶如幻師工學其術爲諸衆生現若干變以現諸化不可計形若干種人不能知者聞信所化謂之實有其曉知者知幻自然佛言如是若能曉了幻化虛無衆生欺惑若有明智自解已身猶如幻化了之假託是世若斯自然如幻若有菩薩曉了入是暢幻自然以解自然世之所居亦復如是以權方便爲衆生類現說一切悉如幻化若有聞見解了幻法皆無所有乃至正真其愚冥者不能達之故爲班宣暢一切法若了諸法一切如幻欲入是義便當學者深要之法不求得色以不得色便不斷除說其不斷除一切界皆爲假託演諸合散分別諸界宣權方便所造因緣根源本末剖判真諦現世度世有爲無爲有順無順諸應不應宣權方便究竟盡言有義無義所暢因緣而

方

持人

九

故

說分別處所無處皆當達是一切如幻持人菩薩所問經諸入品第六佛告持人何謂菩薩曉了諸入於斯菩薩觀十二入解其本末云何觀之所可觀者淨不見眼之所入處眼無成就悉無所有所以者何眼所入者皆從緣對從顛倒與色之所縛緣起所合有二事因一曰眼入二曰從對生色故曰眼入如是眼色有二倚着眼色所入色是眼品自見色已以幻爲門故曰諸入則盈生受眼不著色色不著眼色不著色目不著目皆從緣起以色爲緣故号色入目以見緣對故曰有相以入爲業何謂入業由以顛倒用以豐饒以如究竟不得入眼諸色之無其明智者不求諸入便見真諦從顛倒合愚冥凡夫有二相矣眼以入色便顯入諦已解真諦色入於目無內無外無有中間其眼衆色無去來今現因覩色現目覩色則貪受耳愚冥凡夫所行不可明智達之虛無無真思

想顛倒便成諸入諸入自然云何有乎其人
無相皆從緣起故曰諸入如來曰諸入虛無
悉從顛倒託於因緣無有諸作無使作者眼
不名色色不名眼亦無所知各各寂然眼色
諸入俱共憺怕無有作者從因緣起愚冥凡
夫心處顛倒賢聖達之然無所生無所滅矣

無來無去眼色諸入眼不斷眼目不想目色
不捨色便知自然色不想色所以者何各各
空故各各憺怕知自然故眼不倚眼色不知
色自然之故眼色自然無成就者眼不求眼
亦不合散各各空無目不習目是我所眼色
不習色色是我所幻自然相眼色虛無則曰

自然假託言矣耳聲鼻香舌味身更心法而
不可得悉無所有亦無所成所以者何從因
緣起處在顛倒立在二因從心法與諸品入
故故曰諸入以法因緣假託入門法不著心
心不著法法不著法心不著心著從緣起以
立法事因心見相不得入法明智達之求諸
方
持人二
十

入本觀見真諦皆顛倒合愚冥凡夫見有二
相無內無外亦無中間心不入法法不入心
無去來今皆從緣生愚者不了明智達之所
以者何悉無所有處自然故無意入法無有
真相不得成就假託現耳如是持人菩薩以
得曉了若斯諸所衆入便了一切十二諸入

不著不縛便斷諸入以造立諸入諸分別使
無所起曉了無相猶如流水在所合矣故曰
水普無所不入其十二入亦復如是所云內
外皆從因緣其水流至多所成就雖言自然
不得處所以見縛著其諸入者向塵勞門愚
冥凡夫不斷塵勞故曰入門眼著于色耳鼻
口身心亦復如是無所歸趣菩薩大士曉了
自然分別諸入已分別入悉除衆結如是持
人菩薩大士曉了諸人

持人菩薩所問經十二緣品第七
佛告持人何謂曉了班宣諸入十二緣起而
觀十二以何觀之以用諸法悉無明業故名

曰癡不了無處故曰無明不解諸法有生無明故曰為癡以不了是何故無明無明緣故有行若不達法不行是法故曰無明緣故便有行有行緣故生其識故曰從行致識有其二相致名色矣故從識緣而生名色從名色便生六入故曰從名色緣得致六入因有更

方

持人

十一

痛故曰從六入緣便生所更因有痛癢故曰從所更緣致有痛癢則生恩愛故曰從痛癢緣便生恩愛從恩愛緣生所受故曰從恩愛緣便生所受從所受便生所有故曰從所受緣便致所有從所有便致生矣故曰從所有緣便致所生從所生緣便有老病死啼哭愁惑不可意法大患苦會故曰從生致若干苦以何等故合是眾惱以無明故習諸顛倒從恩愛行忻樂貪欲其心在在樂慕不捨是則世俗十二品有緣起自閉盲冥無目無明羅網志存疽癩入於幽闇無明為首十二緣以觀如是了斯無明虛偽不真又其本際而不

可知何以故不可知不達明故用無明故其生本際而不可知若有明智當觀察之曉了本際則達無際不起思想亦不無想便斷眾想以斷眾想故不倚無明一切諸法不達無明是諸法者不云無明自大之心所以者何以捨無明以故名曰一切諸法皆為無明矣以能覺了一切諸法皆無明者則達明業不更致明以消無則則曰明業何謂消無明者解一切法悉無所有一切諸法皆虛不真處存顛倒法無所有假託有耳是則名曰以斷無明亦斷有明明與無明悉虛不真所曰無明用無明故有眾行業便致十二愚冥凡夫所不能達自投邪冥悉無所有反造所有故曰為行無處無言不言不知明亦不冥諸行之業悉本空無所法無有反行所有故曰無明之緣便成諸行其行無常從是非業故眾行來又察眾行無去來今其無明空分別無明諸行本空行悉自然行無所著因其無明

故生諸行其無明者不著諸行明行不斷無明便消行不除行是行無明則發闇蔽處存顛倒無明叵得則曰自然行不可得亦曰自然用幽冥塞故曰無明用冥無明便立行耳若法無無明無所有以虛偽法便成無明行識行無所著行不起識行所以者何行不知

方

持全

十二

於

行行無有法所可至湊從行生識成眾顛倒其行與識無內無外亦無中間無起識者方以行逸生其識耳彼若明智求識不得識無所生亦無所見不別於識名色六入所更痛癢愛受有生及老病死憂感啼泣痛不可意大苦陰會輪轉無際生死不斷投于五江四瀆之間不能自濟曉了無根悉無所著無致無極平等之業觀十二緣亦復如是斯名曰明明無二故勤精進求一切諸法以慕諸法無想不想是柔順明入十二緣是為持人諸菩薩眾曉了班宣十二緣起在合會緣有所生起分別無會是曰逮得解無所生曉了緣

起觀十二緣不當察生不至權慧若能達知十二緣起無所生者乃曰曉了逮無生慧是故持人菩薩大士欲入無所生慧建立證明當分別暢十二緣起而奉行之以餘奉行於諸緣起而無所生以作是觀乃謂逮得無所生慧以能逮得無所生慧造立證明乃曰逮

得無所從生曉了道慧是故持人菩薩大士如是行者於所生緣而無所生悉斷三界因緣證明觀無所生若有菩薩至無生相便疾逮得無所從生法忍轉得親近菩薩之行已身所奉面緣諸佛而受道決當逮無上正真之道為最正覺得決不久以近受決又以自

方

持全

三

於

有菩薩如是解了吾我所有皆因緣故若有聞是曉了十二緣起本末信樂不疑諸如來所成其根源不久受決得無所從生法忍以受決本不久皆於諸如來所便得道決當速如來無上正真之道為最正覺

持人菩薩所問經卷第二

方二

琦珍王上音奇 擄必於反 網縵下莫反 幔下
峻雖高也 蔽必於反 恪若各反 赫反 繒幡反
叵不可也 粗才古反 憺怕下上反 瀆徒敢反 癢痒胡廣反
養音 感憂也 疽癩下上音 瀆水音 閑字 忻同

樂許斤反

沈茂敬書

華身縣界奉佛信方卷二力刊方字函持世經十卷情旨刊于第一卷

持人菩薩所問經卷第三

方三

西晉三藏法師竺法護譯

三十七品第八

佛告持人何謂菩薩曉了意止若有菩薩分別觀察行四意止何謂四意止自觀其身痛癢想法亦復如是何謂自觀身痛癢想法於

斯菩薩自觀身行察如真諦無常苦空非身之要身為瘡病危厄像害以用樂習動搖遊去荒穢不淨以觀如是若干瑕疪滿是身中九品瘡孔夙夜流出臭處不淨猶如便廁諦觀如是無如毛髮可樂可取不淨穢濁皮覆其肉筋纏裹之從罪福成積聚眾著便有盛陰何謂積聚何謂盛陰皆宿世緣有是盛陰由本倚慕虛偽覆之沐浴文飾謂是我身由是積聚結存盛陰何謂盛陰從因緣起而報應成從造行轉因于四大計身本末非真之有受于四大而成色陰因得假託所以名曰身者何已自造作故故曰為身心以依之故